



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Honore industriam Castimoniamq[ue] firmari.

urn:nbn:de:hbz:466:1-45699

que artes, quamvis earum artifices lucrum potius spectent, quām famam, tamen laus quoque saepe produxit. Vnum de mille promam, in quo peritia nomen, nominis honor artem auxit. Demetrius Poliorcetes erat in excogitandis bellicis machinis supra modum industrius, multaque, præter architectorum artem, inueniebat. Ex quo, ut Diodorus refert, *Poliorcetes*, id est, vrbium euer-

Diodor. lib.
20.

for nominatus est. Hac nominis laude extimulatus, in oppugnationibus tanta vi atque impetu vrebatur, ut nullus ita firmus murus esse videretur, qui posset obfessis aduersus illum præbere præsidium. Nec sanè latet quemquam, omnes opifices esse accuratores, si in rebus elaborandis maiorem honoris ac nominis sui, quām pecuniae habeant rationem. Pretium operarios, gloria Dædalos facit. Sed ad virtutes est properandum, quibus itidem honor magno saepe fuit incitamento; quamvis multa huic quoque loco seruientia sequenti capiti sunt reseruanda.

M m

IV.

A Sapientia atque Philosophica prudentia incipiamus, ex virtutes mirum est, quām laudatae crescant. Carolus V. Imp. in Italiā Se- Italianam profectus Neapolim venit. Ibi erat Augustinus Niphus Sueßianus, summus ea ætate Philosophus, cuius eruditii in plerosq; Aristotelis libros extant Commentarij. Fama igitur tanti viri motus Imperator, eum ad se venire iussit, comiterque salutatum ab eruditione laudauit. Niphus, ne opinionem suam, quæ apud Cæsarem erat, contaminaret, tantò attentiùs ad singula respondit. Carolo igitur, inter cetera interrogante: *Qua ratione Prin- ceps optimè regnum administraturus sit?* Respondit Niphus: *Sit talis, qualem tu me esse putas, Imperator, consiliarios & administratores habue- rit.* Responsi acumen admiratus Carolus, encomijs maioribus ornatum à se dimisit; fecitque laudando, vt post illa, maiores pro- mereri laudes conaretur: Tantum calcar habet gloria. Iosephum ducem Iudæum captum Vespasianus semper inter domesticos ha- buit sapientissimè consulentem. Qua alia de cauſa, nisi, quia Io- tapata Galileæ vrbe excisa, omni studio Iosephum, ob eximiam belli prudentiam, inquisuit, ut viuum caperet? Cumque in spe- lunca quadam latentem comperisset, Nicanorem tribunum misit, qui data fide cum educeret. Eductum, facta corona, milites om- nes admirabantur, & circumstabant. Imprimis verò Titus Vespa- fiani

Ioseph. lib. 3^e
c. 14. de bell.
Iud.

siani F. sapientiae & fortitudinis ergo vitam ei apud patrem impetravit, neuē Romā ad Neronem mitteretur, effecit. Quæ benevolentia & honoris exhibitio, ita cum cepit, vt cum Vespasiano libens maneret; & qui ei ante armis maximè repugnauerat, iam consilijs potissimum vires suppeditaret. Addamus huic Iosepho Iosephum alterum, quem sua sapientia ita promouit, vt ex seruo empto, apud principem exercitus, ad summam eucheretur dignitatem. *Inuenitq; Ioseph gratiam coram domino suo, & ministrabat ii, à quo prapositu omnibus, gubernabat creditam sibi dominum, & uniuersitate tradita fuerant.* Huius honoris gratia ita valuit multū, vt Iosephi prudentiā, cuncta Putipharis substantia tam in editib; quā in agris multiplicaretur. Sed & honoranti domino ita ea dignitas Iosephum gratum effecit, vt mœchæ identidem sollicitantī dicere: *Ecce dominus meus, omnibus mihi traditis, ignorat, quid habuit in domo sua: nec quidquam est, quod non in mea sit potestate, vel non tradiderit mihi, preter te, que uxor eius ei: quo modo ergo possum ha malum facere, & peccare in Deum meum?* cuius nutu hæc mihi protestata delata est. Ut enim in hominem non facile peccamus, à quo beneficijs honorati sumus; ita multò minus peccare debemus in Deum, ob beneficia præterita, præsentia, & futura quæ promisit, in quo viuimus, mouemur & sumus; cuius beneficium est, quidquid boni in corpore animoque possidemus. Itaque S. Augustinus, de Iosepho loquens ex S. Ambroso hanc sententiam assert:

Amator Dei, dilectissimi amore mulieris non vincitur, eascum animum incitans adolescentia non permonet, nec diligentis auctoritas. Magnus planè vir, qui venditius servire tunc nesciuit, adamatus non redamans, rogatus non acquienit, apprehensus amfugit. Cur? causam potissimum mœchæ ipse indicauit: Ecce dominum meum, omnibus mihi traditis, ignorat, quid habeat in domo sua, &c. & ego tanto honori ingratus, illam unam rem, quam mihi nec tradidit, nec tradere potuit, appetam? Honorem quidem illum non appetui; sed quia mihi beneficio & heri, & Dei obuenit, indignum foret, si & in herum, & in Deum meum peccarem. Non solum prudentia excende Iosepho, cum potestate, data est occasio, verū etiam constitutatis conseruandæ. Cuius virtutis ut custos est pudor, ita quoque insignis soleret esse stimulus honor, ut videre fuit in Sulpitia.

Paterculi

Gen. 39. 4.

S. Augustin.
serm. 23.

Paterculi filia, vxore Fuluij Flacci, pudicissima femina, quæ matronarum sententiâ, ex centum præcipuis electa est, vt simulachrum quoddam ex Sibyllinis libris dedicaret; vti & Claudia, inductâ Romam deûm matre. Adeò in his creuit pudicitia honesta, vt Liuius scribat, Hispulam scortum Romæ nobile, & Sulpitia accersitam, propè examinatam fuisse, quod tam grauem esset feminam conuentura. Nimirum apud ingenuas mentes, etiam post pudorem amissum, adhuc pudicitia gliscit, & multum ad reuerentiam alterius valet bonum nomen. Degeneres animas nec pudor cohibet, nec trahit honor; quia illis potior est voluptas, quam honestas.

Plin. lib. 7.
cap. 35.

Ludouic. Vi-
ues lib. 2. de
Christian. fe-
mina.

Multa hîc possent commemorari de liberalitate, de humanitate, de clementia, de obedientia, de fidelitate, alijsq; virtutibus, per honoris illecebras auctis: sed mihi sufficiet, si de fortitudine aliquid attingam. Multos enim incendit honor, ad præclara facinora perpetranda. Hinc Dio Chrysostomus pro non immutandis antiquis statuarû titulis perorans, cum essent, qui suaderent, vt ijs oblitatis adscriberentur noui, atq; hac ratione sumptibus parceretur, in hunc modum locutus est. *Homines indigent & corona, & imagine, & primo loco in confessu, & memoria ad posteros. Et iam multi propter hac mortui sunt, ut vel statuā nanciserentur, aut præconium, aut aliū honorem, atque suu posteris relinquerent opinionem sui aquam memoriamq;. Si quis igitur à vobis sciscitur, uniuersis his olim ablatis, nullaq; in posterum recordatione relicta, neque laude beneficiorum quorumcumq; putetis virum emerisse admirandum apud omnes, prompte, in bello decertantem aut tyrranos expellentem, aut semetipsum liberosq; denouentem salutis communis gratia, aut magnos exantlantes labores virentis causa? quemadmodum Herculem fecisse aiunt, & Theseum, aliasq; semides & Herou; neminem vos nominare posse puto. Nam causam, que prouocet quemlibet pericula contemnere, & labores sustinere, vitamq; voluptuosam & socordem despiceret faciat, haud alienam ullam apud plerosque innicias. Hoc est, quod in pugnis facit strenuos vires ex aduerso vulnerari, neque tergo dato anfugere: tamen si nonnumquam salutis id præsidium sit. Propter hoc ait Poëta, Achillem noluisse summam consecutum senectutem domi mori: atque Hestorem solum stetisse ante ciuitatem: cumq; omnibus, si oporteteret, pugnare fuisse*

Dio Chrys.
orat. 30.

V.

Mss 2

fuisse